

Pol nainge tup nal lenge Kolosi

¹⁻² Got si nalanatme nam, naiye nam si tahar aposel tikin Jisas Krai. Nam topo e to poi Timoti member tup e e malme yip lenge Kristen miye tuweinge Kolosi naiye yarp holi bwore mise supule. Poi misilihme Yai Got poi naiye ka ember noihmbwaip numwaiye topo e noih mi mi kin otme yip.

Pol hriphrip naiye noihmbwaip lenge miye tuweinge Kolosi tejei bongol me Jisas

³ Nupe naiye poi manange wusyep topo e Got pe, nye nyermbe poi noihmeryembe yip naiye manange wusyep hriphrip malme Got naiye Yai tikin Lahmborenge poi Jisas Krai.

⁴ Detale, poi si masande naiye noihmbwaip yip tejeime Jisas Krai, topo e noih mi mi yip naiye yende niharar lenge miye tuweinge tikin Got.

⁵ Nendeheiyeh naiye wusyep bwore mise tikin Got natme yip pe, yip yarp yeseperhme naimune bwore tikin Got naiye kin si nupwai e sai nanah moihla naiye ka yul yip.

⁶ Wusyep tikin Got nende wah nato noihmbwaip lenge miye tuweinge pe, kin nal e nal e moiye moiye kekep lalme. Nahwikin ilyeh uku naiye ki nende gah bumbeyip naiye nendeheiyeh yip yisande yeteke e wusyep bwore mise luku. Ki nasambe noih mi mi embere tikin Got nal lenge miye tuweinge naiye yende hwap.

⁷ Yip si yamba e wusyep bwore mise tikin Got natme Epafras. Kin nimei bwore poi, topo e miye wah bwore bwarme tikin Krai. Pe kin nende wah tikin Krai naiye ka ungwisme yip.

⁸ Kin si nana poi me noihmbwaip naiye nende ni-hararme lenge miye tuweinge naiye Yohe Yirise si yal yip.

⁹ Ta e luku pe, nendehiyeh naiye poi masande wusyep me yip pe, poi mende wah misilihme Yai me yip. Topo e poi misilihme Got naiye ka yul yip sande teke e embere no, pa sisyeme naimune naiye ka ende oto laip yip gunde nasande kitikin, topo e poi misilihme kin naiye pa sisyeme noihmbwaip tikin Yohe Yirise bworerme.

¹⁰ Mi e pe, yip pa yurp junde naiye Lahmborenge nasande no, nye nyermbe laip yip ka ahra e nan tikin Lahmborenge. Pe nye nyermbe yip pa yende nai e nai e bwore bwore yil lenge mitin, topo e sande teke e tikin Got ka tuhur nembere oto yip enge el el.

¹¹ Topo e poi misilihme naiye ka yul yip bongol kitikin naiye pa jin bongole, nupe naiye pa yamba e hwap pe, ka ende yip pa yurp numwaiye, topo e pa hriphrip.

Pol nanange wusyep me wah naiye Krai nende

¹² Topo e pa yininge wusyep hriphrip yilme Yai. Detale, kin nende yip tatame naiye pa yamba e yitini yiptip naiye Got si nupwai e wusyep topo e lenge Kristen miye tuweinge lalme, naiye ka yul yip lalme e oto moi yirise.

13 Kin si namba e poi nenge tupwaihme bongol tikin Satan ηaiye yepelmbe pe, kin nenge poi nato lemame Talah kitikin ηaiye kin ηende nihararme.

14 Kin miye ηaiye ηende poi marp hlaininge, topo e kin ηoihsipe hwap poi.

15 Lenge miye tuweinge yukur tatame ηaiye ka yeteke e Got,
kut tinge tatame ka yeteke Krai.
Kin ηahilyeh ta e Got, topo e talah miye ηendehei
Got
ηaiye somohonme kin narp yerme ηai e ηai e ηaiye
Got ηende.

16 Nato Krai ti, Got ηende ηai e ηai e lalme
ηaiye sai nanah moihla , topo e nate gah kekep.
Naimune ηaiye poi mence ηembep poi meteke e,
topo e ηaimune ηaiye yukur tatame ya meteke e.
ηai e ηai e luku ta e walip hla bongol, topo e yipi-
hinge bongol,
topo e ηai e ηai e lalme ηaiye bongol supule.
Kin nangange bongol nal lenge miye sye
ηaiye ka bepteme lenge mitiη lalme.
Got ηende ηai e ηai e lalme luku nato Krai pe,
ηai e ηai e lalme luku tikin Krai.

17 Krai si narp yer ti, ηai e ηai e lalme nate sai.
Pe kin ηende ηai e ηai e lalme luku sai luh tititinge
tongonose.

18 Krai kin ηondoh, kut lenge Kristen miye
tuweinge wahri orope.
Kin Talah miye endehei, ηaiye tahar nasme nule.
Ta e luku pe, kin ka orp miye ondoh me ηai e ηai e
lalme.

19 Got ηasande ηaiye bongol embere

topo e ɲoihmbwaip bwore bwore kitikin ka ote
guhunuhme

Talah kitikin pe, ka ɲahilyeh tu e Got.

²⁰ O Got ɲasande ɲaiye kin de ka plihe enge ɲai e
ɲai e lalme

ɲaiye sai kekep, topo e nanah moihla ote guhilyeh
ɲaiye ka lalme yahra e ɲoihmbwaip ilyeh.

Wim tikin Jisas turu nase loutungwarmbe gah pe,
Got kin ɲonombe ɲinise yaɲah

ɲaiye ya mende wachaih mile mut me potopoi
topo e Got.

²¹ Somohon yip yende hwap pupwa yehe supule
pe, yip yende wachaihme Got, topo e yip yarp
wohme kin.

²² Kom tukwini Talah esep kin ilyeh uku ɲaiye
si nule nal loutungwarmbe pe, Got ɲende yip ta e
ɲimei kin. Kin ɲende ta e luku no, kin nenge yip
nate sehei me kin ɲaiye pa yurp bwore bwarme mi
supule, topo e ɲaiye ɲembep kin pe, yip hwap pakai
supule.

²³ Yip pa yurpe ɲoiheryembe mise yip uku bon-
gol pe, pa jin bongole tu e tumwange miye.
O ɲainde pupwa ɲaiye ka ota ondol me yip pe,
yukur pa yusme ɲoiheryembe mise yip ɲaiye yip
si yisande wusyep bwore mise luku, na pakai.
Tinge yanange yalaɲatme wusyep bwore mise
ilyeh uku yalme lenge miye tuweinge lalme ɲaiye
yarp kekep pe, Got si nalaɲatme ɲam Pol ɲaiye ma
mininge malaɲatme wusyep uku.

Pol nungwis lenge Kristen miye tuweinge

24 Tukwini ɲam hriphrip ɲaiye ma mikirh mande mungwisme yip. Detale, ɲam da mungwisme sios tikin Kraiɲ ɲaiye wahri kin. Nihe syohe ɲaiye Kraiɲ namba e nungwisme sios pe, yukur ki mi e. Ta e luku pe, nihe syohe ɲaiye ɲam mamba me wahri ɲam pe, ɲam da mamba e tutume syohe ɲaiye Kraiɲ namba e.

25 Ta e luku pe, Got si nalaɲatme ɲam ɲaiye ma murp tu e miye wah yip lenge miye tuweinge ɲaiye ɲoihmbwaip teɲeime Jiɲas pe, ma mungwisme yip. Wah uku ki sai me ɲam, ɲaiye ma mininge malaɲatme wusyep mise lalme tikin Got.

26 O somoho somohonme nenge nat pe, Got ɲinise wusyep uku sai tasmelenge miye tuweinge lalme, kom tukwini Got si nember wusyep uku nate tas halhale nal lenge miye tuweinge kitikin.

27 Got ɲoiheryembe ɲaiye ka asambe wusyep tase luku otme poi lenge miye tuweinge kitikin, ɲaiye ya sisyeme. Wusyep tase luku ki bwore mi supule tatame ɲaiye ka ungwisme lenge mitiɲ lalme. Wusyep tase luku ki ta e le e, Kraiɲ kin narɲ nato yip. Pe luku ki ta e le e, yip pa yamba e yirise bwore bwore tikin Got.

28 Ta e luku pe, poi manange malaɲatme wusyep mise tikin Kraiɲ mal lenge mitiɲ lalme. Poi manange masamb lenge wusyep, topo e wusyep ernem lenge gwande sande teke e, topo e ɲoihmbwaip bwore tikin Got ɲaiye ya menge lenge milme Got pe, ka yurp tu e miye tuweinge tikin Kraiɲ ɲaiye si tahar bworenge.

29 Ta e luku pe, ɲam mende wah nihe supule topo e bongol embere ɲaiye Kraiɲ si pwale.

2

Noihmbwaip poi ka teŋeime Kraiŋ bongol no, ya gwinyenme wusyep hombo e

¹ Nam de ma mini yip yaŋah, ŋaiye ŋam mende wah nihme yip, topo e lenge miye tuweinge ŋaiye yarp moi embere Laodisia, topo e lenge lahmende miye tuweinge, ŋaiye yukur sisysteme ŋam bworerme.

² Nam mende bongolme noihmbwaip yip no, pa yende niharar lenge mitiŋ tu e ŋimeŋ yip no, pa yurp ilyeh. Topo e pa yamba e gondoume wusyep tase tikiŋ Got. Pe Kraiŋ kitikiŋ wusyep tase luku.

³ Kin lousikan ŋaiye kumbur kohmap me sande teke e, topo e noihmbwaip bwore bwore lalme tikiŋ Got ŋaiye tase ŋanar.

⁴ Nam mana yip! Nam gwarŋge ŋaiye lenge miye sye ka yuta hombo e yaŋaih yip me wusyep sye ŋaiye yip yisande nange luku ki bwore mise, na pakai.

⁵ Tukwini le e ŋam yukur marp topo e yip, kom nato noihmbwaip ŋam pe, ŋam noihmeryembe yip, topo e ŋam hriphrip ŋaiye yip jan ilyeh yende wah bongol ŋaiye noihmbwaip yip teŋeime Kraiŋ.

Poi ya tongor mil Kraiŋ ŋaiye ya mamba e laip mise

⁶ Yip si yamba e Kraiŋ Jiŋas ta e ŋaiye Lahmboreŋge yip pe, pa yurp tongor yil kin.

⁷ Pa yurp bongole tongor yil kin tu e lou, ŋaiye gere nase kekep anah, topo e yarp yip pe, noiheryembe mise yip ka teŋeime kin. Pa jin bongole junde yaŋah mise, ŋaiye poi masamb yip. Pe pa yininge wusyep hriphrip wula wula yilme Got.

⁸ Nɔihme ɲaiye miye ende se ka ota hombo e alaɲatme wusyep hombo e ɲaiye sande teke e topo e ɲoihmbwaip tikin miye ot elme yip, ɲaiye ka ende yip pa junde kin. Wusyep uku kin natme lenge mwan ka, topo e lenge yipihinge pupwa ɲaiye bepteme kekep lalme. Yukur kin natme Krai.

⁹ Nato Krai pe, Got gahanahme wahri tikin miye pe, ki paparar supulme Got.

¹⁰ Topo e yip yarp tongor yal Krai pe, Got ki yal yip laip ɲaiye yip paparar supulme laip tikin Got. Kin miye ondoh me lenge miye ondoh lalme ɲaiye tikin kekep e e.

¹¹ Yip yarp tongor yal Krai pe, Krai si non-gohe ɲoihmbwaip pupwa yip mi e. Yukur yip jande yaɲah lenge mwanka lenge Juta ɲaiye yotombo wahri miye, pakai.

¹² ɲupe ɲaiye yip yamba e pinip pe, hwap ɲaiye yip yende luku nule ko pe, Got ɲononde topo e Krai. O ɲoihmbwaip yip teɲeime Got ɲaiye ɲahra e Jisas topo e bongol kin pe, kin tahar nasme nule pe, kin ɲahra e yip topo e Krai pe, yip yamba e laip mise.

¹³ Somohon yip yende hwap pe, kin ɲende yum-bune ɲoihmbwaip bwore yip pe, yip si yule. Kom tukwini Got si nongohe hwap poi lalme pe, kin ɲende poi mamba e laip mise motop Krai.

¹⁴ Kin ginyenme wusyep lalme luku, ɲaiye minde ka ende wusyep me poi. Got namba e pe, kin ɲende yupupur pe, kin ɲendere nal loutung-warmbe tikin Krai.

15 Nanah loutungwarmbe luku pe, Got nungwisme Kraiss, ηaiye ηende yumbune bongol lenge yipihinge pupwa, topo e ηai e ηai e pupwa ηaiye tinge bongol. Kin yohme tinge pe, bongol tinge luku mi e ko pe, tinge hi e.

Wusyep erηeme yukur ka se ungwisme poi

16 Miye sye jonombai e yip ηaiye yip yukur jande wusyep erηeme lenge mwanka ηaiye yono ηai, lakai yono e pinip, topo e yip yukur yende lotu tikin ηup embere, topo e lotu tikin wundehei ambaran, topo e lotu tikin ηup Sabat. Kom ηam mana yip, yukur pa yusyunde wusyep tinge.

17 ηai e ηai e lalme luku pe, tinge sasambe ta e wutu ηaiye mindemboi miye mise Kraiss ka ot.

18 Yukur pa yisyunde miye ende ηaiye ka ini pakai me ηai e ηai e sye, lakai ka ini yip nange kin nate tange ηeteke e yipihinge, topo e ka ini yip nange pa yende lotu me lenge walip hla. Lenge miye iki tengelyem yahra e nan tititinge pe, tinge jande ηoimbwaip hombo e tititinge.

19 Ta e luku pe, tinge yukur tongor yal Kraiss ηaiye kin narp miye ondoh poi. Poi si tongor mal wahri kin pe, ta e ηaiye mwah wahri si neηel e gahilyeh. Pe bongol tikin Got ηende wahri uku ki tahar embere.

20 Yip si yule yotop Kraiss pe, yip yukur yarp tuwihme bongol lenge yipihinge pupwa, ηaiye bepteme kekep lalme. Deta e lai ti yip yarp ta e ηaiye lenge miye tikin kekep e e? Topo e deta e lai ti yip jande wusyep erηeme sye ηaiye ηanange na,

21 “Yukur pa yusuwa e, topo e yukur pa yono ηai, topo e yukur pa yusme ηai uku ka usuwa e wahri yip.”

22 Wusyep erneme luku kin ηanange nalanatme nal ηai e ηai e ηaiye poi mende mende wah no, ka pupwa hihwaiye. Wusyep uku titinge lenge miye pakaiye yanange.

23 Miye hombo e sye yana poi nange ya mende lotu nye nyermbe, topo e yukur ya mono ηai, topo e mono e pinip pe, ηai uku ηende poi mamba e nihe syohe. Pe yanah uku miye ηahra e nan kitikin. Kom yanah uku yukur ka se ungwisme poi ginyenme ηoihmbwaip yerkeime.

3

Poi si tahar topo e Krai

1 Yip si plihe tahar yarp laip mise topo e Krai. Pe yana e ηoihmbwaip yip supule yilme ηai e ηai e tikin moihla . Nanah uku pe, Krai narp anah luh kin nal syep non tikin Got.*

2 Nye nyermbe yip pa ηoiheryembe ηai e ηai e ηaiye sai nanah uku, kut ηai e ηai e ηaiye sai kekep pe, na pakai.

3 Yip si yule pe, laip mise yip si narp tase ηotop Krai nato Got.

4 Krai kin tehei ηaiye laip mise yip pe, ηupe ηaiye ka ot pe, yip topo e pa yut yotop kin pe, pa yamba e yirise bwore kin.

Poi si tahar miye tuweinge ambaran

3.1 Sng 110.1 * 3.1 Krai narp nal syep non tikin Got pe, ki sasambe ηaiye kin miye ondoh topo e Got.

⁵ Yip pa yusme supule ɲoihmbwaip pupwa tikin kekep e e, ɲaiye ɲende wah narp nato yip. ɲai uku ta e niɲ pinip yar, topo e ɲoihmbwaip tahar ɲaiye ka ende niɲ pinip yar, topo e ɲoihmbwaip tahar ɲaiye yende hwap, topo e ɲoiheryembe pupwa. Pa yusme yaɲah ɲaiye wim lal me ɲai e ɲai e wula wula tikin kekep e e. Detale, luku yaɲah ɲaiye yende lotu me got hombo e.

⁶ Tehei ɲaiye Got ka ember ɲoihmbwaip nihe kin otme lenge miye tuweinge luku pe, tinge jande ɲoihmbwaip pupwa luku.

⁷ Somohon yip jande ɲoihmbwaip telei yip pe, yip yende hwap uku.

⁸ Kom tukwini pe, pa jinyenme ɲoihmbwaip pupwa lalme luku yiche yil. Ki ta e ɲoihmbwaip nihe, topo e tuhwar, topo e ɲoihmbwaip pupwa, topo e yaɲah ɲaiye tuhwar wusyep pupwa yal lenge mitiɲ, topo e ɲaiye yanange ɲilim wusyep.

⁹ Yukur pa yininge wusyep hombo e yil lenge mitiɲ sye. Detale, yip si jinyenme ɲoihmbwaip telei, topo e ɲai e ɲai e pupwa luku yal mi e.

¹⁰ Got si ɲende yip tahar miye tuweinge ɲambaran pe, nye nyermbe ka yul yip sande teke e bwore wula wula ɲaiye pa sisyeme kin, topo e pa yurp tu e kitikin.

¹¹ Ta e luku pe, yukur ɲainde ɲembere ɲaiye poi haiten, lakai tinge Juta, topo e yukur poi motombo wahri, lakai tinge si yotombo wahri, topo e poi marp ta e miye wah pakaiye, o tinge yarp hlain-inge. Pakai! Poi tikin moiye moiye ilyeh ilyeh kekep e e, topo e wusyep ɲimeser ilyeh ilyeh. Poi

si tahar n̄ambaran mi e pe, ya lalme murp n̄ahilyeh. Detale, Kraiſ ilyeh uku kin si narp nato poi lalme.

Poi ya mamba e n̄oihmbwaip n̄aiye yende niharar lenge mitiŋ

¹² Yip lenge miye tuweinge liki, Got si n̄ende nihararme yip pe, kin si nalan̄atme yip n̄aiye kitikin holi bwore mise supule. Ta e luku pe, yip pa junde n̄oihmbwaip n̄aiye ginir me lenge mitiŋ no, yende mi mi me tinge. Pa yurp n̄umwaiye tu e miye michukor, topo e yukur pa yahra e n̄oihmbwaip nihe hihwai yilme lenge mitiŋ n̄aiye yende hwap yatme yip.

¹³ Pa yende mi mi n̄aiye pa yusme hwap lahmende n̄aiye n̄ende hwap natme yip. Yukur pa yurpe n̄ai uku yenge si. N̄oiheriyembe, Lahmborenge nasme pupwa yip pe, yip topo e pa yende n̄ahilyeh n̄aiye yusme pupwa lenge mitiŋ.

¹⁴ Kom n̄oiheriyembe n̄aiye pa yende niharar lenge mitiŋ pe, luku ki n̄ai embere supule. Luku ka ende yip pa lalme yurp ilyeh mi supule.

¹⁵ Kraiſ kin tehei n̄aiye pwal poi n̄oihmbwaip n̄umwaiye no, ya gunde. Nato n̄oihmbwaip n̄umwaiye tikiŋ Kraiſ pe, Got si gal yip, n̄aiye pa yurp tu e wahri ilyeh. Pe yip pa yininge wusyep hriphrip me Got.

¹⁶ Pa yonorh wusyep bwore bwore tikiŋ Kraiſ n̄aiye ka tihi oto n̄oihmbwaip yip. Yip pa papararme sande teke e n̄aiye pa yasambe lenge Kristen miye tuweinge n̄aiye ka yende n̄ai e n̄ai e bwore. Pa yosoko wenersep yoto Tup Wenersep, topo e wenersep sye n̄aiye lotu, topo e wenersep sye n̄aiye

Yohe Yirise nember nato ñoihmbwaip yip. Yip pa yosoko wenersep hriphrip yilme Got topo e ñoihmbwaip yip.

¹⁷ Ñaimune ñaiye yip yende, lakai wusyep ñaiye yip yanange pe, pa yende ñai e ñai e lalme luku yoto nañ tikin Lahmborenge Jisas. Pe yip pa yininge wusyep hriphrip yilme Yai Got.

Pol ñanange wusyep me Kristen bantihei

¹⁸ Yip lenge tuweinge pa yaña e yip tip ñaiye pa yurp tuweihe lenge miye yip. Yip si jande Kraiss pe, luku yañah kin ñaiye pa yende junde.

¹⁹ Yip lenge miye pa yende niharar lenge tuweinge yip pe, yukur pa tuhwar yende yum-bune ñoihmbwaip tinge.

²⁰ Yip lenge talah, nye nyermbe pa yisyunde wusyep lenge yai mam yip ñaiye yende ñai e ñai e. Got kin hriphrip ñaiye pa yende tu e luku.

²¹ Yip lenge yai mam yukur pa yininge wusyep tule talah yip no, ka hi e. Pe yukur ka se yende ñainde.

²² Yip lenge miye wah pa yisyunde wusyep lenge miye ondoh yip ñaiye yana yip nange pa yende ñai e ñai e. Yukur pa hihembepme tinge ñupe ñaiye tinge ka yute yañar yip no, ka yininge nange yip miye wah bwore, na pakai. Kom nye nyermbe yende wah bwore. Detale, pa ñoiheryembe Lahmborenge ñaiye kin ñeteke e wah yip ñaiye yip yende.

²³ Naimune mune ηaiye pa yende pe, yende wah topo e ηoihmbwaip yip. Pe luku yip yende wah me Lahmborenge, kut yukur yip yende wah me miye .

²⁴ Yip sisyeme, Lahmborenge se ka yul yip yitini. Luku ηai e ηai e ηaiye kin si ηupwai e wusyep ηaiye ka angange lenge miye tuweinge kin. O Krai kin miye ondoh ilyeh ηaiye pa lalme yende wah me kin.

²⁵ Topo e lenge miye tuweinge ηaiye yende hwap pe, tinge ka yamba e yitini pupwa me hwap ηaiye tinge yende. Tehei kin ta e le e, Got ηiyar e lenge miye tuweinge lalme gande ηaimune ηaiye tinge ilyeh ilyeh yende. Kin yukur napara e hwap miye ende, pakai.

4

¹ Yip lenge miye embep pa bepeteme lenge miye wah yip bworerme. Yip si sisyeme nange miye ondoh yip narp nanah moihla .

² Yip pa yende wah ηaiye yininge wusyep topo e Got yenge yil. Topo e yaηa e ηoihmbwaip yip supule yilme ηaimune ηaiye yip yanange topo e Got pe, yininge wusyep hriphrip yilme kin.

³ Nupe ηaiye pa yininge wusyep topo me Got pe, pa yisilihme ηaiye ka ungwisme poi no, poi tatame ηaiye ya se mininge malaηatme wusyep tase tikin Krai. Luku tehei kin ηaiye tukwini ηam marp moto mwahupwai e.

⁴ Yininge wusyep yisilihme Got ηaiye ka ungwisme ηam no, ma mininge malaηatme wusyep uku bworerme tu e ηaiye Got ηasande.

⁵ Njupe ηaiye yip yarp yotop lenge miye tuweinge ηaiye ηoihmbwaip tinge yukur tejeime Kraisi pe, pa yurp bworerme, topo e yende ηai e ηai e junde ηoiheryembe bwore. Pe nye nyermbe pa yende mi mi ηaiye pa yininge yalaηatme wusyep mise tiki Kraisi yilme tinge.

⁶ Wusyep yip ηaiye pa yininge pe, ka bwore mi supule ηaiye lenge mitiη ka yisyunde. Pa ηoiheryembe wusyep bworerme ti, pa yungwisme wusyep tinge bworerme.

Pol member Tikikus hindi Onesimus yal Kolosi

⁷ Tikikus kin wah ilyeh, topo e kin to poi. Kin miye wah bwore ende tiki Lahmborenge. Kin ka ininge wusyep me ηaimune ηaiye ηende me ηam.

⁸ ηam member kin malme yip ηaiye ka ininge wusyep ende bongolme ηoihmbwaip yip, topo e pa sisysteme ηaiye poi marp ta e la ηai.

⁹ ηam member Onesimus* nal topo me kin. Onesimus kin to bwore bwarme poi, topo e kin ηime yip ηaiye bantihei yip tip. Tinge hindi ka yini yip ηaimune mune ηaiye tukwini ηende ηanar e e.

Pol member ηau bwore nal lenge Kristen miye tuweinge tiki Kolosi

¹⁰ Aristarkus ηaiye narp mwahupwai e ηotop ηam pe, kin member ηau bwore kin nalme yip. O yuruwai tiki Banabas ηaiye tinge jalme Mak member ηau bwore kin topo e nalme yip. ηam si

4.5 Efe 5.16 **4.7** Apo 20.4, Efe 6.21-22, 2Ti 4.12 **4.9** Flm 1.10-12

* **4.9** Onesimus kin miye wah pakaiye tiki Filemon. **4.10** Apo 12.12,25, 13.13, 15.37-39, 19.29, 27.2, Flm 1.24

member wusyep hra embep malme yip yer, ηaiye ka ot tu e liki pe, pa hriphrip ηaiye pa yamba e kin.

¹¹ Topo e Jisas, nan umbur e kin tinge jalme Jastus, nember ηau bwore kin nalme yip. Lenge miye hun e e, tinge Kristen miye Juta pe, tinge yotop ηam yende wah ηaiye yahra e lemame tikin Got, topo e tinge miye hun uku yungwisme marp ηam bwore mi supule.

¹² Epafras topo e nember ηau bwore kin nalme yip. Kin ηime i yip, topo e miye wah tikin Kra is Jisas. Nye nyermbe kin ηende wah nihe ηaiye ηanange wusyep ηisilihme Got ηaiye ka ungwisme yip no, pa jin bongole tu e ηaiye yip Kristen miye tuweinge bwore mise, topo e yip si jande bwor-erme ηoihmbwaip tikin Got supule.

¹³ Nam de ma mininge wusyep me kin tu e le e, kin ηende wah nihe ηaiye nungwisme yip, topo e lenge Kristen miye tuweinge ηaiye yarp moi embere Laodisia, topo e moi embere Hierapolis.

¹⁴ † Dokta Luk ηaiye poi mende nihararme kin hindi Tomas yember ηau bwore tinge yalme yip.

¹⁵ Nam masande ηaiye pa yangange hriphrip topo e ηau bwore poi yil lenge to tatai poi ηaiye yarp Laodisia. Topo e yaηa e ηau bwore poi yilme Nimpa, topo e lenge Kristen miye tuweinge ηaiye yate jahilyeh yarp yukoh ti.

¹⁶ Npupe ηaiye pa jonose tup e e mi e pe, pa yember tup e e yil sios Laodisia, ηaiye ka jonose yil lenge sios ka yisyunde. Topo e tup ηaiye ηam si

4.12 Kol 1.7, Flm 1.23 **4.14** 2Ti 4.10-11, Flm 1.24 † **4.14** Lenge mitinj ηoiheryembe nange kin Luk ηilyeh uku ηaiye nainge Tup Luk, topo e Wah lenge Aposel.

mainge malme tinge pe, yip pa jonose wusyep uku topo e.

¹⁷ Pa yinime Arkipus na, “Lahmborenge si yale wah uku pe, nin na ende wah uku, topo e na bepteme bworerme.”

¹⁸ Nam Pol, le e syep nam tanam najiye nam mainge nau bwore malme yip. Yukur pa noihcipe nam najiye teter nam marp mwahupwai e. Nam manange wusyep misilihme Got najiye noih mi mi kin ka si topo me yip.

Wusyep Bwore tikin Got
The New Testament in the Urat language of Papua New
Guinea

Nupela Testamen long tok ples Urat long Niugini

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26